



224

21-03-2019

Bosnia and Herzegovina  
Federation of Bosnia and Herzegovina

**CANTON SARAJEVO**  
**Ministry for Education, Science and Youth**

Broj: 11/07-14-3581-43/19  
Sarajevo, 20.03.2019. godine

**SLUŽBA ZA SKUPŠTINSKE POSLOVE**  
**- O V D J E -**

**ZASTUPNIČKA INICIJATIVA:**

Zastupnica Vildana Bešlija je, na Petoj radnoj sjednici Skupštine Kantona Sarajevo, održanoj 27.02.2019. godine, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa Poslovníkom Skupštine Kantona Sarajevo, podsjetivši da je ispred zgrade Pravnog fakulteta u Sarajevu, koji je proglašen nacionalnim spomenikom, davno postavljena privremena nadstrešnica, uputila sljedeću zastupničku inicijativu:

„Da Kantona Sarajevo provede proceduru intervenisanja kod nadležnih za uklanjanje privremene nadstrešnice, te da u rebalansu putem Ministarstva obrazovanja i Ministarstva prostornog uređenja, građenja i zaštite okoliša planiraju sredstva za neophodnu restauraciju fasade objekta i restoraorske radove na uklonjenim skulpturama i njihovo vraćanje na izvorna mjesta.

**OBRAZLOŽENJE:**

Na sjednici Komisije za očuvanje nacionalnih spomenika održanoj 21. decembra u Sarajevu donesena je odluka o proglašenju Pravosudne palate u Sarajevu nacionalnim spomenikom Bosne i Hercegovine. Na osnovu ove odluke propisane su mjere zaštite koje se trebaju implementirati:

- a) *dozvoljeni su istraživački i konzervatorsko-restauratorski radovi, radovi na sanaciji i prezentaciji spomenika i radovi tekućeg održavanja objekta uz odobrenje federalnog ministarstva nadležnog za prostorno uređenje i stručni nadzor nadležne službe zaštite nasljeđa na nivou Federacije Bosne i Hercegovine;*
- b) *dozvoljene su intervencije u cilju prilagođavanja objekta savremenim potrebama pod uvjetom da se ne naruše njegove arhitektonske vrijednosti i integritet, uz odobrenje nadležnog ministarstva i stručno nadziranje nadležne službe zaštite;*
- c) *objekat se može koristiti u javne, poslovne, obrazovne i kulturne svrhe, odnosno na način koji neće ugroziti njegov integritet i njegovo značenje u strukturi grada;*
- d) *neophodno je izvršiti konzervatorske i restauratorske radove na uklonjenim skulpturama sa zgrade, te njihovo vraćanje na izvorna mjesta; prema projektu odobrenom od strane nadležnog ministarstva uz stručni nadzor nadležne službe zaštite.*

Zbog svega navedenog, smatram da Vlada Kantona Sarajevo, bez obzira na ovlasti, treba da poduzme sve potrebne mjere da se ovom nacionalnom spomeniku vrati prijašnji sjaj. Tenutno stanje Pravosudne palate u Sarajevu (zgrade Pravnog fakulteta Univerziteta u Sarajevu) sramota je za grad, kanton i Federaciju BiH te predstavlja plastičan primjer nebrige vlasti za objekte koji su važno arhitektonsko nasljeđe.“



ODGOVOR:

U budžetima Kantona Sarajevo, do sada, nisu bila planirana sredstva za ove namjene. Ministarstvo za obrazovanje, nauku i mlade Kantona Sarajevo će u okviru svojih nadležnosti podržati ovu inicijativu.

U skladu sa nevedenim, ova inicijativa će u vidu zahtjeva biti proslijeđena prema Univerzitetu u Sarajevu, kao korisniku predmetnog objekta i Zavodu za izgradnju Kantona Sarajevo da pokrenu procedure i dostave ovom Ministarstvu pregled potrebnih radova i sredstava za realizaciju ove inicijative u skladu sa odobrenim intervencijama definisanim Odlukom o proglašenju zgrade Pravosudne palate u Sarajevu nacionalnim spomenikom Bosne i Hercegovine.

Nakon što ovo Ministarstvo dobije tražene informacije, iste će biti dostavljene Skupštini Kantona Sarajevo na razmatranje i odobravanje potrebnih sredstava u rebalansu Budžeta Kantona Sarajevo.



MINISTRICA

Zineta Romić

Dostaviti:

1. Naslovu
2. Stručna služba Vlade Kantona Sarajevo
3. Sekretar Ministarstva za obrazovanje, nauku i mlade Kantona Sarajevo
4. Arhiva

